

法蘭西銀行史

德昭閱

法蘭西銀行史

德昭閣

中華民國十五年一月出版

法蘭西銀行史

定價大洋肆角

編輯者 吳縣 楊德森

印刷者 北京京華印書局

代發行者 商務印書館

分售處 各埠各大書局



中國海關制度沿革

楊德森編著

現已出版定價大洋七角

義大利銀行史

楊德森編譯

現已出版定價大洋四角

英格蘭銀行史

楊德森編譯

十五年二月杪出版

緒言

義大利銀行史既編譯告竣先已出版矣茲編詳述法蘭西銀行經過種種情形在世界銀行史上頗有研究價值按法蘭西爲世界各國紙幣推行最廣之國而法蘭西銀行以發行紙幣與商業貼現著名於世其於拿破崙時代之艱苦德法戰爭前後之困難金銀比價起落之變化與夫歷次金融恐慌之波險殫心竭力從容應付國家得其助人民受其惠大總統紀埃氏於德法戰後慨言曰救法國者銀行祇此一語永誌法蘭西銀行之不朽事業古人云國之有財猶人之有血脉周流無滯則真體內充銀行挹注之靈轉旋之速關係國計民生實非淺鮮法蘭西銀行自經過危險時期以後改良組織益臻完善以有今日之地位蓋非一朝一夕之功效也矣茲編取材法國鑾維氏發行銀行史

“Banque et D'Emissions et Trésors Publics” Raphaël Georges Lévy 2me Edition
1912 暨美國康能忒氏近代發行銀行史 “History of Modern Banks of
Issue” By Charles Conant 4th Edition 1909 編輯成篇以供國人參攷當世君
子尙其教之

中華民國十四年十二月一日吳縣楊德森識

法蘭西銀行史

吳縣楊德森編譯

考法蘭西在歐洲西部・共和政體・建都巴黎・土地面積二十萬另七千一百七十里・一九〇六年戶口冊三千九百二十五萬二千二百四十五人

法國發行銀行之起端

約翰勞午之盛衰

大革命前巴黎之銀行

亞

新業票之禍害

商業銀行重興

法蘭西銀行產生

地方銀行之收併

拉丁同盟之組織

銀價跌落發生之困難

法蘭西銀行爲商業獨立

性質之中央銀行

紙幣發行與商業貼現爲其重要業務

法蘭西爲紙幣

流通額最鉅之國

銀行特權最近展期

法蘭西銀行爲世界最大而最鞏固銀行之一。其特點在紙幣發行。流通額以戶口比較爲標準。世界各國推法國爲最。溯法國中央銀行起源。遠在約翰勞午之密雪雪比計劃時代。現在法蘭西銀行政策穩健。管理謹慎。享有紙幣發行專利權。一八四八年中央收併之地方銀行遺迹。尙傳述於一般財政家之口。最近法蘭西銀行特權將滿期而未繼續時。袒護省銀行者又起辯論以爭發行權。

法蘭西最先發行銀行爲約翰勞午所創。在十八世紀初。烏利盎公爵攝政時代。因路易十四窮奢極欲。濫費國帑。遂至財政混亂達於極點。有不可收拾之勢。攝政正一籌莫展。勞午乃乘時而起。

蘇格蘭者。亞丹斯密之講學地。亦約翰勞午之桑梓鄉也。勞午以新式

金融制度紹介於法・後因其荒繆之投機思想・無恥之欺詐行爲・受人唾棄・但所創銀行・當開始時・實持保守主義・即所辦西方公司・時人稱爲密雪雪比公司者・亦有一定計劃・及至後來・變更初衷・利用機關以從事投機・而內容遂不可問・

勞午抱偉大計劃・先欲創辦國家銀行・政府僅許設立私人銀行・以一九一六年五月二日法令成立・即名勞午銀行・資本六百萬利佛爾・分一千二百股・每股五千利佛爾・四期繳納・四之一繳現金・四之三繳時價七五折之國庫兌換券・業務範圍與普通商業銀行相同・惟享有發行權・其發行之紙幣・註明兌換之幣・悉照發行日流通國幣之重量與價值・其意防免將來幣制變更時糾紛也・

此銀行之設立。因股款搭用國庫兌換券。引起社會歡迎而爭先認股。兌換券以減少流通額而增高價值。其紙幣人民亦樂於使用。各省與都城間運送現金不便。賴以活動。又從前利率高而無定。設銀行後爲六釐。既而低至四釐。政府方面亦竭力助其成功。一七一七年四月十日命令各地財政機關。解巴黎款應一律用該行紙幣。並須隨時代該行兌換紙幣。於是勞午銀行受公私兩方熱烈歡迎。攝政准許繼續試行其政策。時紙幣流通額已增至六千萬。十倍其資本矣。

勞午如能守其本分。經營銀行業務。及代理國庫事務。法蘭西將永誌其灌入新政功績。財政史上亦必留芳不朽。但此種事業詎能束縛勞午野心。其志願之大至足驚人。尙有大計劃在焉。

自美洲新大陸發現後。商業公司創立者不知凡幾。多數失敗。存者數家。財力亦不充足。至密雪雪比區域內營業權先已授與投機商人名柯洛柴者。因範圍過大。無從措施。久存放棄之心。勞午洞悉情勢。蓄意收併剩存公司。創一極大規模組織。上其策於政府。一七一七年八月二十八日諭旨。准其設立西方公司。給與北美洲富饒區域領土主權。經營商業。資本總額一萬萬利佛爾。分二十萬股。每股五百利佛爾。四分之一繳現金。四分之三繳國庫兌換券。營業期限二十五年。股款收入國庫兌換券即繳還政府。作為借款。周年四釐計息。該案九月六日通過議會。該公司合併四大公司。專營路易齊亞那。加拿大。及斐洲西部商業。又規定股票分一股十股兩種。用不記名式。在法國。不

記名式股票。尙爲創例。即勞午銀行股票亦記名式也。

勞午結納攝政以行其策。經營之事包羅甚廣。如承收稅項。鑄造貨幣。專賣烟草。募集公債等。種種業務。一手獨攬。至對收稅機關大加改革。或合併。或裁撤。徵收務求簡捷。覈核力主嚴厲。以如是巨大而繁雜事業。欲歸一公司管理。已有載重過量之勢。益以政府中人猜忌。與夫反對派掣肘。更生無窮困難。但勞午並無覺悟。壹意猛進。急功之心無時或息。一七一八年十二月二十七日諭旨。特准銀行改組。定名王家銀行。原有商股均以現金發還。但將銀行紙幣之規定取銷。准許無論何時以通行國幣兌換。引起人民疑慮。影響所及。銀行信用搖動。於是一七一九年四月二十二日諭旨。重申銀行紙幣條例。聲明代

表現行國幣。不受幣制變更束縛。因是紙幣對現金反有升色。推行極廣。至是年年終。流通額爲一萬一千萬。

西方公司股份之募集。其初不甚踴躍。僅勞午銀行股東以收回股本承購。計國庫兌換券一百十二萬五千利佛爾。現金三十七萬五千利佛爾。此外零星數並不甚多。勞午恐公司不能成立。窮思竭慮變通入股辦法。每股先付定金二百利佛爾。餘額儘六月內繳清。到期取捨聽認股人自決。如不欲取股。得隨時收還定金。此種交易法。亦屬創行。藉以招攬。勞午復發表與政府所訂專賣烟草合同。並擴充商業事務。又從巴黎兄弟公司取得收稅事務。種種情形均有震盪市面力量。股票價格遂突起超過額面。旋又增加股份五萬股。按票面加倍出售。此項

股款全數繳納政府。作各種合同保證金。新股儘老股東承購。因爲不記名式。祇須承購時隨帶老股證明。時人名新股爲女。老股爲母。以後增加之股份爲孫女。又與政府協定。國債悉歸公司承受。以紙幣收回。政府給公司周年三釐息金。指定金庫收入爲保息。此協定以是年十月十二日法令公布。先是公司於五月將西印度及中國兩公司合併。更名印度公司。至是又續發三次增加股份。每次十萬股。額面仍五百利佛爾。按五千利佛爾出售。分十個月平均繳付。購股無須老股證明。無論何人均可認購。股票價格逐日增高。風起雲湧。一日千里。至十一月市價達一萬。爲額面二十倍矣。

公司股票之投機狂熱。社會如中瘋魔。無理解可言。市價所漲程度。

無論營業如何發展・利益如何豐富・斷難分配相當股利・勞午於十二月三十日股東大會報告・公司所得利益總數九千一百萬・計國債利息四千八百萬・由承收稅項下扣存・收稅利益一千二百萬・烟草專賣利益六百萬・承收特稅利益一百萬・鑄幣利益一千二百萬・商務經營利益一千二百萬・又報告現時股份總額・按額面五百利佛爾計算・售出實數三萬一千二百萬・與純益核算・應派股息周年三分・議決一七二〇年一月一日起照付・每股付息二百利佛爾・若以漲起時價一萬二千計算・實爲額面二十四倍・所派股息僅一釐又三之二而已・

雖然・股票之漲誠出理外・勞午報告利益又多疑點・但依然飛騰・不可遏制・是年一月六日竟達一萬八千・三十六倍於額面價值矣・路易

十四末季。坤克撲滑路爲證券商人集會地。自有印度公司股票後。該處更形熱鬧。人民一日間忽成暴富。忽變赤貧。廢時失業。專事投機。一般正直者目爲巨害。輿論亦大加攻擊。政府乃將此證券場封閉。投機者遷至僻靜處。故態依舊。但爲警察嚴重監視。十月二十五日法令。禁通衢作投機事。惟認六十經紀人組織之巴黎證券交易所爲合法機關耳。

一七二〇年新年。即公司發給股息之日。實勞午大計劃登峰造極之時。社會狂熱已現退象。劇烈反動早伏其中。物價亦因紙幣濫發而騰貴。稍有知識之投機家覺情勢緊張。急將倖獲之財。購置不動產業。或運出國外。至銀行方面。紙幣流通額已達一萬萬。仍漫無限制。繼續濫

發。並因發行匆促。印刷不良。以致偽票混雜。難於鑒別。市上紙幣充斥。不見現金。又以投機衰落。紙幣殊少活動餘地。勞午至此雖極焦慮。猶強詞奪理。謂紙幣有種種便利。不能運往國外。可保國之財富云云。政府鑒於形勢。不得不竭力維持。是年上半年。疊下命令以挽危局。凡國幣重量與成色。減輕之。個人藏有現金數目限制之。金銀器皿之製賣。停止之。鑽石珍寶之攜帶。禁止之。又頒法令。強制銀行紙幣爲通行國幣。全國通用。不得折扣。又指定數種稅收。人民繳納時。如全用紙幣。給若干利益。種種措置。無非欲提高紙幣價值。惟流通額過鉅而人民又不信用。法令遂失其效力。於是又變方針。將銀行歸併印度公司。強使公司股票與銀行紙幣發生連帶關係。

股票市價定九千利佛爾。股票可換紙幣。紙幣亦可換股票。悉聽人民自願。三月十一日對現金限制。尤爲嚴厲。金銀不復作爲法定貨幣。凡人民藏有現金。不論貨幣。生貨。或器皿。一經查出。即行沒收。然而公司大勢已去。挽救無策。股票繼續暴跌。其商業亦因馬賽自由港爲疫症封閉而大受影響。五月一日命令又強制股票市價。限逐月減少。至十二月一日應減至五千五百利佛爾。又規定銀行紙幣照額面五折行用。執有紙幣及股票者大起恐慌。政府特設委員會。審查銀行賬目。查核結果。紙幣流通數爲三十萬萬。準備方面。僅國幣二千一百萬。生金銀二千八百萬。商業票據二萬四千萬。資產全部不及紙幣流通額十分之一。七月十六日晚擠兌風潮突起。羣衆偕來。勢如潮湧。